



Diretora PNDS, Dulce Guterres, fo ninia intervensaun iha enkontru avaliasaun ikus iha vizita seitoral iha Munisipiu Bobonaro

Grupu Kordenasaun Tékniku Seitoral, Partisipa Iha Programa Vizita Projeitu Programa PNDS Iha Munisipiu Bobonaro

Programa Vizita Hamutuk ba Projeitu Programa PNDS ne'e nia objetivu atu fo oportunidade ba iha Grupu Tékniku husi Seitor relevantes sira atu observa no halo komunikasaun direita ho comunidade Suku no aldeia oinsá comunidade bele rezolve rasik problema desenvolvimento ne'ebé sira infrenta durante ne'e, liu husi implementasaun Programa PNDS. Programa ne'e hala'o durante loron tolu iha Munisipiu Bobonaro (6-8/02/2017).

Antes ba vizita terrenu, ekipa ne'ebé lidera husi Chefe Unidade Operasional Programa PNDS Nasional, Rosito Guterres, ba dahuluk halo introdusaun objetivu no planu atividade ba iha autoridade Munisipál Bobonaro atu nune'e atividade ida ne'e bele la'o ho susesu. Julio Caeiro, Sekretáriu Munisipál Bobonaro hanesan representa Prezidente Autoridade Munisipál simu ekipa ne'e ho kontente tebes tanba programa ida ne'e bele desenvolve liña komunikasaun nomos kordenasaun servisu ne'ebé di'ak.

Iha vizita projeitu programa PNDS, representante husi liña ministeriais kontente ho implementasaun programa PNDS, tanba programa ida ne'e bele responde daudaun ona ejijénsia balun mai husi comunidade, liu-liu ba iha infraestrutura bázika ne'ebé comunidade infrenta durante ne'e, ezemplu hanesan kanál irigasaun ki'ik ba iha planta hortikultura, no Seluk tan.

Sekretariado Tékniku PNDS Hamutuk ho Linha Sektoral no Autoridade Lokal Munisipiu Covalima Hala'o Avaliasaun ba Implementasaun Programa PNDS Siklu Dahuluk

Avaliasaun Annual ba implementasaun Programa PNDS iha Suku tolu nulu ne'ebé partense ba Munisipiu Covalima hala'o iha salaun Enkontru Administraun Munisipal Covalima (14/02/2017).

Administrador Interino Munisipiu Covalima, Afonso Nogueira Nahak iha nia intervensaun abertura ba avaliasaun annual nee hateten prezensa programa PNDS iha Munisipiu Covalima durante tinan hat mesmu hasoru difikuldade iha kestaun oi-oin iha implementasaun maibe husi prezensa PNDS fo duni resposta imediata ba difikuldades ne'ebé comunidade sira hasoru. Tuir Administrador Munisipiu Covalima katak ho prejsa PNDS, comunidade sira bele identifika no rejolve rasik sira nia difikuldades husi sektoral ne'ebé sira enfrenta, nune'e prezensa PNDS iha Covalima Koresponde no diminui ona difikuldades husi comunidade sira iha seitor balu-balun ho nune'e iha oportunidade ne'e Administrador Munisipiu Covalima Afonso Nogueira husu ba Autoridade lokal sira hanesan administradór do Postu, no Chefe suku sira atu bele akompanha avaliasaun nee hodi apar didiak implementasaun programa nee hodi hadi'ak liután implementasaun programa ne'e iha futuru.

Rejultado husi avaliasaun nee, mak mosu rekomendasaun husi autoridade lokal sira no linha sektoral sira atu avaliasaun annual persija halo mos iha baze ne'ebé involve mos linha sektorais sira sai hanesan avaliador no sujere mos iha futuru auditorio tékniku husi ekipa independen internacional atu involve mos sektorais sira.

PNDS

Hamutuk Ita
Dezenvolve nasaun

Marsu 2017

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)




Prioridade sira Iha Nasional

Faze I Siklu 2



Faze II Siklu 2



Irigasaun iha Aldeia Salele Boot, Suku Lalawa, Postu Tilomar Benefisia ba Komunitade Sira

Irigasaun Ne'ebé konstrui ho orsamentu PNDS iha Suku lalawa aldeia salele boot, postu Tilomar, Munisipiu Covalima benefisia comunidade sira hodi hasa'e redimentu ekonomia familia.

Subsídium Orsamentu PNDS ne'ebé atu konstrui irigasaun nee ho montante orsamentu \$31.218 dolares Amerikano. Madalena Moniz, nudar Ekipa Jestaun Suku, ne'ebé jere orsamentu ne'e afirma katak husi total alokasaun orsamentu ba irigasaun ne'e sira gasta deit rihun \$27.000 dolares amerikano hodi konstrui irigasaun ne'e no sei iha popansa osan balun ne'ebé iha hela konta bankaria suku nian, tuir EJS suku Lalawa, Postu Tilomar ne'e katak mesmu ho osan ne'ebé kiik maibé sira bele halo irigasaun ida ke'e boot no bele responde nesidade comunidade nian kona-ba forneselementu be'e ba produsaun agrikola.

Iha parte seluk Januariu Oliveira Lino nudar agrikultór afirma katak irigasaun nee desde tempu ukupasaun to'o tempu ukun an la konsege hetan atensaun governo, hafoin programa PNDS tama iha suku refere, mehi comunidade atu hadia irigasaun nee bele realiza.

Hanesan agrikultór, Januariu Oliveira sente kontente tamba ho apoiu husi orsamentu PNDS sira nia irigasaun bele konstrui hodi fasilita tebes sira hala'o produsaun ba produktu lokal hanesan, pateka, Modo, hakiak ikan no utuliza ba halo natar.



Ekipa PNDS Munisípiu Liquiça Hala'o Sorumutu Avaliasaun Annual ba Implementasaun Programa PNDS Tinan 2016

Hafoin kompleta Implementasaun Programa Nasional Dezenvolvimentu Suku (PNDS) ba siklu primeiru (Faze I, II, III), ekipa PNDS Munisípiu Liquiça, hala'o sorumutu avaliasaun annual ho nia objetivu atu hare susesu nomos dezafiu ne'ebé ekipa PNDS Munisípiu infrenta durante periodu liu ba iha implementasaun programa PNDS. Atividade ida ne'e hala'o iha Salaun Administrasaun Munisípiu Liquiça, (16/02/2017).

Administradór Munisípiu Liquiça, Domingos da Conceição, hatete katak sorumutu ida ne'e importante tebes tanba bele sukat rezultadu implementasaun programa PNDS tinan tolu liu ba iha Munisípiu Liquiça tantu ninia susesu nomos dezafiu ne'ebé ita hotu hetan nomos hasoru. Iha parte seluk nia husu ba Chefe Suku ne'ebé foun (foin eleitu) atu konsulta no kolabora hamutuk ho ekipa sira iha suku laran atu nune'e bele fo susesu ba dezenvolvimentu iha Suku, tantu liu husi programa PNDS nomos programa sira husi seitor seluk.

Diretór Delegasaun PNDS Munisípiu Liquiça, Fernando da Gonçalves hatete husi avaliasaun jerál ne'e mak ita bele diskute progresu no dezafiu ne'ebé ita hasoru durante ne'e, dezafiu ne'ebé ita hetan sai hanesan referénsia ida ba ita atu diskute no buka solusaun hamutuk iha avaliasaun ida ne'e atu nune'e iha implementasaun programa PNDS siklu tuir mai ita bele hadi'ak liu tan.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl